

quanquam poena translata est in Filium, propter quem recipiuntur credentes, tamen manet ordo diuinus, ut homo iterum fiat conformis Deo sicut Ro. 3 dicitur: „Per fidem stabilimus legem“<sup>80</sup> item Rom. 8: „Vt ius legis in nobis impleatur.“<sup>81</sup>

5

## XLVII.

Excrandus est furor Antinomorum, qui legem nolunt doceri in ecclesia nec peccata volunt ex lege argui.<sup>82</sup> His opponimus voluntatem Dei, qui vult extare legem suam et exaudiri in toto genere humano et in primis sonare in ecclesia sicut seuerissime praecipit [D 3r:] Deut. 6: „Acues legem filijs tuis“<sup>83</sup> ac ne quis frustra vel editam vel conseruatam legem putet, monstramus usum triplicem et primum nominamus paedagogicum seu politicum, qui ad omnes homines pertinet etiam non renatos et ethnicos, quod videlicet obligat omnes, ut regant externa membra seu locomotiuam, ut externa facta congruant cum lege morali, et sancit poenas etiam corporales in hac vita aduersus eos, qui admittunt externa delicta, quae Deus vel per magistratum vel alijs modis sumit de sontibus. De quo vsu dicitur 1. Timoth. 1: „Lex posita est iniustis, inobsequentibus, impijs, peccatoribus, sceleratis et contaminatis, paricidis et matricidis, homicidis, fornicatoribus, plagiarijs, mendacibus, periuris“<sup>84</sup> etc.

20

## XLVIII.

Secundus usus est iudicium uniuersale accusans omnia peccata in hominibus interiora et exteriora et totam depravationem iuxta dicta: „per legem cognitio peccati“<sup>85</sup> „aculeus mortis peccatum est, potentia peccati lex est.“<sup>86</sup>

## XLIX.

25 Nequaquam vero omittendus est et tertius usus, qui est in renatis docere, qui cultus placeant Deo. Vult enim Deus fidem et bona opera nostra regi verbo suo iuxta dictum: „Lucerna pedibus meis verbum tuum.“<sup>87</sup> Ideoque execrandus est furor vere diabolicus Antinomorum, qui fingunt omnes suos impetus esse motus Spiritus sancti et nolunt gubernari lege Dei et quoniam in renatis

<sup>80</sup> Röm 3,31.<sup>81</sup> Röm 8,4.<sup>82</sup> Zum antinomistischen Streit vgl. die Darstellung bei Lohse, Dogma und Bekenntnis, 117–121.<sup>83</sup> Dtn 6,7.<sup>84</sup> I Tim 1,9f.<sup>85</sup> Röm 3,20.<sup>86</sup> I Kor 15,56.<sup>87</sup> Ps 119,105.